



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1553. usque ad annum 1557

Fleury, Claude

August. Vind. [u.a.], 1771

VD18 9011857X

§. 40. Farnesii relictis Gallorum partibus Philippo Regi adhærentes.

[urn:nbn:de:hbz:466:1-66565](https://nbn-resolving.org/urn:nbn:de:hbz:466:1-66565)

§. XL.

Sæcul. XVI.
A.C. 1555.*Farnesi relictis Gallorum partibus
Philippo Regi adhærentes.*

Sub idem tempus Farnesi Principes de Summo Pontifice parum contenti in Cæsaris, Regisque Philippi gratiam rediere; quamvis enim Papa Farnesiis obtenti Pontificatus honorem in acceptis referre teneretur, gratum tamen eis animum exhibere negligebat; aliunde vero hi Principes Caraffarum, qui pro summo imperio rem gerere ambiebant, arrogantiam, ac dominatum ægre ferebant, ac contra Galliarum Regem vehementer querebantur, eoquod is in fœdere cum Hispanis inito, cujus supra meminimus, Farnesiis Beneficiorum reditus ab Hispanis usurpatos restitui non curasset. His rationibus permoti factas a Philippo Rege pacis propositiones acceptare decreverunt, unde Octavius Farnesius Dux opera Cosmæ Medicæi, & Guilielmi Corregii rursus Placentiam, & Novarram, necnon Parmensis ditionis arces a Cæsareis occupatas recuperabat, adjectis tamen hisce conditionibus I. Octavius Cæsaris Gener pro Placentiæ arcibus præsidium Hispanorum accipere, & illud stipendio suo alere teneatur. II. Maneant Imperio, & Romanæ Sedi salvæ rationes,

D d 3

quas

*Pallav. c. 20.**n. 10. & 12.**Thuan. l. 17.**Belcar. com.**27. n. 33.*

Sæcul. XVI.
A.C. 1556.

quas in Parmensi ditione habent. III. Novarræ arx in Philippi Regis potestate sit. IV. Bona, quæ Octavius, & Margarita naturalis Caroli V. filia in regno Neapolitano, & in Etruria, necnon Alexander Cardinalis Octavii frater in Sicilia habet, eis restituantur: de fructibus tamen a Camera Cæsarea perceptis litem instituere non possint. V. Conjuratorum, qui jam decesserunt, filii in bonorum suorum possessione non turbentur, sed iis libere utantur, fruanturque V. in Conjuratorum, qui supersunt, caussa nihil intra sex menses innovetur: VI. Interim liceat illis, quibus velint personis, bona sua vendere, & oppignorare VII. Octavius in fidem Sansecundi Comitem, & Joannem Franciscum Sanseverinum recipiat, quos Cæsaris nomine commendatos habeat, si vero iidem deinceps fidem datam violent, in eos animadvertendi ipsi jus sit. VIII. Tharella, Rupes-alba, & Turricellæ mœnibus nudentur. IX. S. Antonini municipium, uti a Cæsare munitum est, in Octavii manus consignetur. X. Eo tempore, quo Placentiæ possessio tradetur, Alexander major natu Octavii, & Margaritæ frater tanquam obses Mediolani maneat, & inde ad Regem Philippum transeat, atque in ejus aula commoretur.

Hæc

Hæc pacta maximum momentum Sæcul. XVI.
A.C. 1556.
 Philippi Regis, ac Florentiæ Ducis re-
 bus in Italia attulerant; hac enim ra-
 tione Mediolanensis ditio valide firmata,
 Gallisque interclusus erat aditus, ne hi
 in Etruriam terrestri itinere deinceps
 facile irruere possent. Equidem Papa,
 & Galliarum Rex huic fœderi parum
 adversari ab initio videbantur, spe freti,
 Farnesios eorum partibus addictos Ca-
 strensem Ducatum nequaquam infestis
 armis invasuros, ipsumque Cardinalem
 S. Angeli, tanquam obsidem Romæ per-
 mansurum, eo potissimum nomine, quod
 hic se nunquam fœderi in Summi Pon-
 tificatus dispendium cudendo nomen
 daturum spondisset. Verum tempo-
 ris progressu Farnesii tam arcto amici-
 tiæ vinculo Hispanis adstringebantur,
 ut Ferrariæ Duci, qui ex Italiæ Princi-
 pibus adhuc solus Papæ, & Galliarum
 Regi junctus erat, bellum nuntiarent,
 iniquissimo prorsus tempore, eoquod
 Pontifex sollicitationibus incassum ite-
 ratis, decretoque sine re Commendone
 Venetos ad suum fœdus allicere haud
 posset, cum illi neutri parti adhærere
 decrevissent, ac frustra adhibitis omni-
 bus precibus nequaquam a suo propo-
 sito discederent.